

671.3411
076
11

泌陽縣志

卷一
卷二

重修沁陽縣志序

邑之辨志猶國之有史也志與史相爲表裏體裁大小
不同再義例則一故作史有三難作志亦如之今昔殊
時人事遷變考據之難一採訪難周蒐羅未廣徵之或
非其人傳之不得其真核實之難二宜詳而畧宜畧而
詳一人而傳聞異辭一事而意見各出纂定之難三然
此輯其後焉者也地方官執掌簿書日逐逐無餘閒視
此事爲無關緊要卽有意修輯勢不能不延知名之士
分任其事求之遠方則人與地不相習旣課虛叩寂之

徒勞求之本籍則親與舊或相蒙又顛是倒非之不免
甚至因仍簡陋傳笑四方昔毛西河謂天下不可信者
三志書其一誠有慨乎其言之也泌爲中州僻邑宋元
以前寥寥罕紀至勝國而文物聲名彬彬稱極盛焉惜
鼎革之餘書缺有間我

朝康熙年間

勅直省郡縣志送史局備纂一統全書三十四年乙亥
前令莫公國芳奉大中丞檄始修之迨五十三年甲午
前令程公儀千復奉郡伯檄續修今舊志是也顧自康

熙甲午迄於今又百有餘年矣其間變遷沿革時異勢殊籍賦有增減建制有興廢學校有隆替人物有盛衰與夫風俗好尚之丕變者幾何嘉言懿行之可紀者幾何苟不及今補輯將日就湮沒後之人尋墜緒之茫茫其孰從而徵之而孰從而信之道光五年乙酉春余初蒞任檢閱舊志求莫志已不可得程志僅有四卷缺畧頗多體裁亦不甚合因思志書紀載政體所關余暨荒隴豈可畏其難而闕焉弗講耶承乏以來幸比歲豐稔民氣恬熙如義學魁星閣普濟堂以及署廨橋梁之類

凡有修舉皆已次第就理爰集邑紳士而告之曰彰往
昭來官斯土者之責也徵文考獻生斯土者之資也人
事三十年一變况百年乎邑志之宜修也亟矣諸君獨
無意歟僉曰唯命適前司訓河內栗君稼軒有遊泌之
信君爲余選拔先後同譜品行端方學問博雅曾贊修
河內志卓有可觀且秉泌鐸將二十年其於泌之風土
人情典章名物靡不洞悉於有餘聞之喜勸助之有人
而所謂難者今竟無慮是也於是訂延來泌共相討論
局纂修其體裁大變程志之舊一依史家爲叙次凡

舊志所缺者補之謬者正之百餘年之間山川人物因革損益發凡起例綱舉目張始於戊子二月越十月而脫藁爲卷十有二爲目十有七較程志增十之七八雖其中掛漏舛謬均所難免而與栗君往返商確貼說傳箋當公允倥傯之際挑燈揮汗意匠經營亦良苦矣夫前事不忘後事之師也我

國家重熙累洽久道化成吏治蒸蒸遠軼前古宰一邑者當知一邑之事而事所由知以志爲據必歷歷如指諸掌斯在在可會於心觀沿革建置則思區分經畫何

以鞏自苞柔觀疆域山川則思扼險提封何以綢繆未
雨觀賦役學校選舉人物則思富教兼施何以使民厚
生而正德觀祠廟祥異風俗物產則思神人胥格何以
使民康樂而安平觀職官宦蹟則思績著循良何以無
愆尸素觀古蹟藝文則思言垂金石何以不朽芳馨余
待罪於斯瞬逾三載自愧碌碌未有善政善教以大爲
措施而民間之利病無不刻係於懷今成是書亦藉以
鏡得失昭勸懲庶乎張弛與革有所持循勤求治理可
告無罪耳若謂妄操鉛槧矜著述以備一方之掌故則

風塵俗吏又安敢出此哉時道光八年歲次戊子小陽
月知泌陽縣事嶺南倪明進序

泌陽縣志舊序

邑之有志與史相爲表裏者也而志有更難於史者蓋
史之修必聖天子網羅於上賢宰輔贊襄於下集四海
九州山林隱逸才宿博洽之士共事鉛槧且其事又經
異代之後其爲是非得失論定久矣去取筆削於其間
從容論斷以定之故史一出而萬世可以昭信焉至於
志則事不過數十年跡不出里巷間所見異所聞復異
或至有其事而不必傳傳其事而未必有掄揚失之太
過核實疑于非真聽衆論之悠悠奚以徵信任獨見之

渺渺又易滋偽若夫先事或多淹沒而臨時不及採擇
以至言焉而不文難辭固陋實焉而無徵多所闕畧蓋
實難矣芳承乏泌邑已及十載日惟窮黎與咻之不暇
每念邑乘之載輒歎有志未逮會

今上勅行天下大修一統志而大中丞顧公秉鉞天中爰

體

聖天子維持世道振興風化美意檄行郡縣俾各廣其蒐
羅嚴其紀載以備輶軒之擇蓋誠欲上襄盛治下礪淳
俗以示一代之鉅典萬世之信編甚盛舉也芳雖弁鱗

敢不從事於是執舊志凡例進邑士大夫而問之曰邑
之沿革得毋考核有未至乎其必詳以確無滋荒謬也
天文疆域得毋有遙度臆說者乎其必典必核根柢有
據也池隍壇壝學舍祠宇其建置興廢得毋有未脩名
山巨川阨塞關梁其形勢險要得毋未瞭如指掌古蹟
得毋未盡彰風俗奢儉得毋未盡上陳土地之肥瘠幾
何賦役之增減幾何山林園廡之多寡水利川防之通
塞鹽課市課之損益其爲利爲害若何其毋纖悉未備
本末或舛也職官之循良其勞心撫綏者何人其毋淹

沒而名不彰也聖賢師儒之嘉言懿行其流傳于後者
果人皆可考名臣科第忠孝節烈之遺跡其表表猶存
者果事皆有據其毋實與名達貽譏後世也至于流寓
隱士各從其類方技文苑悉載于篇祥瑞務紀其實災
禮亦錄其異其必刪浮節冗簡約該博庶無負

聖天子明備至治與大中丞纂修雅意也邑士大夫咸趨
而前曰休哉敬聞命矣爰是設局延賢偕高子而煒吳
子極焦子滄陳子維則曰俞等鍵戶商確廣覽博搜事
紀其實僞弗載也語從其質靡弗侈也句櫛字比刪繁

補闕越數月台竣芳乃作而言曰嗟乎泌一彈丸邑耳其地不及大郡縣十之一而又多山號爲石田宰斯土者雖有宏才碩畫方日事催科且弗能償况芳以俗吏爲之敢云政和民暇從事纂修可備文獻哉顧有其舉之莫敢廢也有其紀之莫敢畧也雖一方一邑之事不足當太史之採而闕斯編者益瞭然于泌之偏僻爲不足比數焉將愛而恤之撫而字之則泌民且益返於淳矣以此爲葑菲之獻也亦何不可乎

皆

康熙三十四年歲次乙亥春王正月穀旦知泌陽縣事
莫國芳拜撰

舊序

嘗讀漢書地理志其間形勢之險易戶口之盈虛風俗之正淫事蹟之沿革莫不較如指掌豈第以廣見聞凡欲爲政者因俗制宜以馴至於時和物阜也我

皇上御極五十三年深仁厚澤淪肌浹髓遐陬僻壤舉欣欣樂大化之成其爲生齒日以繁氣象日以新者不勝紀也而郡邑之誌因循故舊率多缺而未及載南陽府憲惕然念之乃據紳士之請上其議於

大中丞公公允其請檄下郡縣凡舊志有未脩者皆增

而續之

儀干

待罪泌陽恭承明命乃進邑之士大天而

謀之日泌邑之志由來舊矣重修於康熙三十四年亦
既燦然具備矣顧此二十年以來休養生息振興廢墜
其戶口之增者幾何其田疇之闢者幾何其學舍祠廟
之易舊而新者幾何其職官人物之卓卓可紀者幾何
其風俗好尚之革薄從忠者又幾何苟不能廣搜博採
非所以仰承德意也於是借邑紳士馬君之起焦子昉
齡吳子憲共爲考訂採之必詳不敢失於疎漏也擇之
必慎不敢流於無稽也紀撫循之實蹟發潛德之幽光庶

幾可以報明命矣至於天文分野山川疆域古蹟物產之類則固于百年不易者率仍其舊無庸妄爲改易圖新耳目也深愧謫陋無文未能周詳而典贍然覽是志者恍然于泌邑之荒殘而今昔改觀有如是者孰非上之人興休措備之效歟天因其俗可以施政焉然則自茲以往民生何以日阜民俗何以日醇其有待于上憲之經營區畫而下吏于以奉行德意者皆于是志係之也志旣成遂爲之序

告

沙田縣志
卷之五
三
康熙五十三年歲次甲午季冬望日文林郎泌陽縣知
縣加一級松江程儀千拜手序

修志姓氏

鑒定

分巡南汝光道兼管水利事務加二級王家相

藝江蘇常熟人巳巳

南陽府知府加一級

唐業謙

受湖南善化人戊辰

纂修

泌陽縣知縣加三級

倪明進

晉廣東海陽人
三癸酉拔貢

編輯

前泌陽縣訓

導栗

郅

孫河南開封人甲子

協修

沁陽縣教諭賈鹿洞孟縣人副貢

沁陽縣訓導權珽盧氏人歲貢

駐防沁陽縣把總陳萬魁洛陽人行伍

駐防沁陽縣沙河店外委劉朝慶南陽縣人行伍

署沁陽縣典史候補縣丞費震文江蘇婁縣人監生

總理

辛酉科拔貢生吳榮姬邑人

府學廩生鄒興讓邑人

校對

縣學廩

生李濬邑人

生

員楊凌雲邑人

縣學廩

生李沛邑人

縣學廩

生鄒英懷邑人

膳錄河內縣童生張梅軒

採訪

前汝州學正丙午科舉人關起峯邑人

扶溝縣教諭己酉科拔貢生田本腴

庚申科舉人焦錫田

候選教諭癸酉科拔貢生田嗣馨

候選訓導歲貢生呂協韶

乙酉科拔貢生楊維修

前廣東候補縣丞李構

捐職都司邱振寰

候選縣丞王安仁

附貢生邱慎修

捐職中書王漢藜

生員陳觀

生

員焦其東

監

生李振國

勲刻

士

子

科

武

舉吳名勲

捐

職

守

備呂復會

捐

職

同

知李汝輔

捐

職

州

同晁碩

關正典

李培經

捐

職

千

總薛永貞

牛崑培

焦巨川

齋

奏李榮

貢

生崔永誠

林芳森

生

員楊振宗

生

員馬相貞

武

生尙鳳鳴

王允中

王廣德

韓紹和

吳進堂

監

生張孔厚

花有楨

張端

侯廷珠

高緒書

禹率典

宋玉琢

陳健安

王謙泰

郭嶠陵

張文清

劉禹錫

焦巨富

王方中

王舉

譚太陽

九李鳴岐

從

凡例

一 泌邑舊志四卷修於康熙五十三年迄今一百一十餘載冊籍遺聞佚失孔多今忝考通志郡志并博爲蒐採續修成篇凡舊志之訛悞者訂之闕畧者補之釐爲十二卷篇中子目或併或分大變舊志之例務期合於體裁不盡狃於成說也

一 志有沿革所以審地望也地望不審疆域山川因而錯迕者多矣泌邑唐縣相距百里唐貞觀中始置泌州以比陽爲附郭

比陽卽今唐縣

凡言泌州實今之

唐縣也五代朱梁改泌州爲唐州移治泌陽凡言唐州實則今之泌陽也通志郡志未能限斷大胡山馬仁陂旣以屬泌又隸於唐名實無憑何以傳信故志沿革者首在明唐泌之分界唐泌之分界明而疆域山川古蹟無不犁然矣茲志託始於此按之輿圖証之史傳別部居方頗爲詳悉至於易志爲表畧倣景定建康志體例而併記事兵燹爲一以備詳考焉

一 泌邑諸山以大胡爲幹龍而泌河又諸水之經流

也舊志封域全圖尙爲明確第土人俗傳頗多乖錯甚至佚其本名郡志於泌泚二水原委亦多含混今悉據舊圖正之

一中州風土大概相同惟是習俗小有變更物產稍殊土性亦不可不辨也舊志所載未免大畧茲做南方草木狀桂海虞衡志體例爲加詳焉亦因物土之宜而布其利之遺意耳

一田賦雜稅倉儲鹽法各款以今較昔多有不同謹遵賦役全書及現存檔冊開列其詳

一舊志有災祥一門然百餘年來和氣翔洽幾無庸
記茲僅據通志郡志所偶見者載之並徵諸耆舊
傳聞增補數條以見水毀金穰氣運盈耗有如是
之不齊云爾

一舊志學校僅載堂廡廣狹之制書院義學亦屬虛
名其餘闡入 文廟祀典體製殊乖今書院義學
既經創建自應補入至若

列聖謨訓廣厲學宮典至鉅也尤當敬謹續入以昭法
守其 聖廟祀典別列於祠祭一門庶幾畫一

一祀典首載 文廟

聖朝尊崇

至聖典禮優隆而從祀之先賢先儒位次亦多更定其
他壇壝祀廟各有新增所宜備書以昭

盛典

一舊志營建頗爲詳悉第百餘年來重修之功亦宜
備誌至若普濟堂養濟院矜恤孤惻尤政之善者
前志未及今爲續入

一宛南府志修於嘉慶丁卯泌邑職官尙有遺漏茲

據實補入若崇祀名宦例經題請而後入祠不容妄增也其或善政及人口碑在道誌甘棠之遺愛留治譜於來茲別爲宦蹟一傳至若兵防武職重守禦也亦並紀焉

一選舉自康熙五十三年以後歷科進士舉人以及恩拔副歲優貢皆引據續入而捐職人員或經出仕者亦併附焉其武科進士舉人與夫軍功行伍受爵出仕者別爲一表

人物一編以類區分范雲范縝著於南史舊志遺

焉失考甚矣茲謹据實補入至若蓋棺論定凡其人現存者例不立傳

一列女有傳始於劉向爲貞爲烈皆以節著者也百餘年來題請旌表者固宜詳誌其或堅貞自矢未及年例而先亡者或有年例旣符而宗族單寒不能代爲表揚者顯微闡幽繫志是賴茲首列已旌之人餘悉以次附列於後

一藝文之志以人傳亦以文重必擇其雅馴者錄之又必有關於本邑之地與人非徒取其詞藻也或

沁水縣志 卷首 四
有人與文皆無足取而志所不遺存題目也他如
前人名志多有金石一門沁邑古碣旣屬寥寥一
切碑版之詞有可取者併入藝文

一志書例資考証馮魚山先生修孟縣志借書至數
車之多泌邑載籍缺如僅就耳目所及叅訂成編
掛漏之誚知所不免至百餘年來孝義節烈窮鄉
僻壤之中採訪所未及者亦復何限日後續有聞
見當別爲一篇以備補遺


樂


圖



州唐

社稷壇





縣署圖

正堂

副堂

倉神廟

馬神廟

水廳

常平倉

馬廄


書房

廚房

北房

東房






賈公祠



大門



教諭署



文廟圖

學宮大門



禮樂堂



明倫堂




卷之...




卧碑亭



训蒙堂



杏林




經閣



明



池



諸山圖

海國圖志

卷首

東



鳳

山孤

山牙子豹

嶺橋天

五



諸水圖

春水河係支河在

城東北九十里發

源本境光石臘山東

南流入沙河長四十里

寬五六丈深

二三尺不

光石臘山



象河係支河

在城東北七十里發源

本境公孫山東南流入

沙河店四古壩寬丈

深二三尺不

梅水河係支河



泌水河係幹河在城

東七十里發源本境

銅山西流過縣三十

里入唐縣歸唐河長

一百一十里寬丈

深四五尺不等

銅山



營盤河係支河在

城東南六十里發

源本境石婆山西

流入泌河長三十

里寬四丈深二

三尺不等

石婆山



保子河係支

河在城東南

五十里發源本

境豹子牙山北

流入泌河長五

十里寬五丈深

二三尺不等

豹子牙山



沁水河係支

河在城東七

十里發源本境太

湖山入泌河長四十

里寬六丈深三

四尺不等

太湖山



觀水河係支河在

子山 長五十里寬五丈深二
三尺不等

五里河今名沙河係幹河在城
東北三十里發源本境老鴉山
東北流至沙河店出境入遂平
縣境入淮河寬六丈深二三尺
不等

昆河係支河在城
北四十里發源本境
馬仁陵南流至官地
鋪出流入官路歸沙
河長七十里寬六丈
深二三尺不等

樂水河係支河在
城西北三十里發
源本境慈印山西懸
南流入泌河長六
十里寬五丈深三
馬四尺不等
仁坡

老鴉山
西北流入沙河
長二十里寬四
丈深二三尺不
等



泌水河係支
河在城南北
三十里發源
本境盤古山
西北流入唐
縣歸唐河長
三十里寬四
丈深二三尺
不等

盤古山

泌水河

長

廣

七

邑人監生李振國繪圖

泌陽縣志目錄

卷首

序文

舊序附

修志姓氏

凡例

目錄

輿圖

卷一

沿革表

紀事兵燹附

疆域志

星野附

卷二

山川志

橋梁 陂隄水利附

古蹟志

塋墓 寺觀附

卷三

災祥志

風土志

物產附

卷四

營建志

坊表 普濟堂 漏澤園附

祠祭志

禮器、樂歌附

卷五

學校志

學田 書院 義學 鄉飲酒禮
鄉約 賓興附

卷六

兵防志

賦役志

雜稅 倉儲 鹽引附

卷七

職官表

宦蹟傳

選舉表

軍功職監附

卷八

人物傳

名賢

文學

孝義

隱逸

藝術

仙釋

流寓附

列女傳

卷九

藝文志

文

卷十

藝文志

文

卷十一

藝文志

文

卷十二

藝文志

賦詩

沿革表

泌於唐虞屬禹貢豫州之域春秋時爲唐國封內地秦并天下置南陽郡而不詳所屬自漢始置舞陰縣隸荊州部卽今泌地也魏晉六朝紛爭不一或兩國而疆土分割或一朝而名號遞更至唐天寶元年泌陽之名始見於史南宋金源以淮爲界疆場兵戎益多故矣沿及明季重以流寇之慘國朝休養生息垂二百年枹鼓不驚經界咸理洎茲土

者稽版圖於往牒考治亂之由來宜思如何而後
持盈保泰也作沿革表

代 統隸

郡國

縣

紀事兵燹

唐虞豫州

夏商因之

周

唐國

楚國

韓國

左傳定公五

年楚子蒲子

期滅唐

呂氏春秋齊

令章子與韓

魏攻荆荆使

唐茂將兵應

之夾泚而軍

章子夜襲茂

斬之

秦

南陽郡

漢

荊州部

南陽郡

舞陰縣

新莽日前隊
東漢復舊

後漢書光武
紀時更始使
後漢書更始

大司馬朱鮪

舞陰王李軼

元年漢軍復

等屯洛陽注

舞陰縣屬南

與甄阜梁邱

陽郡故城在

今唐汝陽

賜戰於泚水

縣西北

西大破之

更始封李軼

爲舞陰王

光武封岑彭

爲舞陰侯

桓帝封鄧康

爲泚陽侯

建安二年曹

操與張繡戰

於宛敗還舞

陰破繡追兵

晉

南陽國

舞陰縣

姚襄置舞陰

郡宋復改縣

宋

荊州

南陽太守

舞陰令

漢置縣

南齊雍州

南陽國

舞陰縣

舞陰公翽

後陷入元魏
復改南陽郡

宋明帝子齊
受禪降封舞
陰縣公

永明五年荒

人桓天生兵

寇舞陰舞陰

戍主殷公懋

拒破之既而

魏將公孫邃

等與桓天生

復寇舞陰公

愍又擊破之

建武四年魏

大舉入寇詔

軍主鮑舉助

西汝南北義

陽太守黃瑤

起戍舞陰明

北魏

南陽郡

舞陰縣

年為魏所陷

舞陰郡

臨舞縣

孝昌中改置
東魏郡廢

東魏改置

期城郡

東舞縣

孝昌中置隋
郡廢

孝昌中置隋
改昆水縣大
業初廢大臨
舞

石馬縣

後魏置後漢
為上縣

襄城郡西魏

改屬昌州大

業屬春陵郡

天寶初省入

泌陽

隋

豫州部

淮安郡

慈邱縣

舞陰公薛回

開皇中置後
周省入泌陽

開皇初封領
漕深監見隋

饒良縣

大業中
置尋廢

書薛世雄傳

唐

山南道

泌州淮安郡

泌陽縣

附郡

元和十年山

本昌州春陵
郡治襄陽武

天寶元年改
臨舞爲泌陽

南東道帥嚴

德五年改唐
州治比陽天

綬討吳元濬

審元年更郡
名天祐三年
朱全忠從治
泌陽裴更名

敗於慈邱鄉
五十餘里

後唐

唐州

泌陽縣附郭

入唐州

晉改泌州
復改唐州

宋

京西南路

唐州

泌陽縣附郭

金

南京路

唐州

泌陽縣附郭

泰和六年賜

申州

唐州刺史吾

大定間改唐
州為申州

古孫兀屯總

押鄧州軍馬
事

宋皇甫斌攻

唐州吾古孫

兀屯拒之行

省遣泌陽副

巡檢納合軍

勝來援遂擊

敗之

元光元年宋

入掠遂平縣

之石砦店復

侵南陽唐州

提控夾谷九

住敗之

正大八年元

軍破泌陽南

陽方城襄郟

諸縣

元

河南江北道南陽府

唐州

至元八年升

由州爲南陽

府

至元三年廢

泌陽縣九年

復置元貞五

年省泌陽縣

入唐州

明

河南布政司

南陽府

泌陽縣

泌陽悼和王

洪武三年以

故比陽縣地

簡王子

置唐縣洪武

十三年即唐

州治復置泌

崇禎十三年

五月張獻忠

並隸南陽府

陷南陽郡攻

泌陽破之左

良玉至南陽

賊遁去良玉

不戢士泌人

脫於賊者遇

官軍無噍類

十四年正月

張獻忠陷隨

州僞張左良

玉熾入泌陽

十四年九月

李自成破葉

縣拔泌陽乘

勝陷南陽下

鄧州等十四

城再圍開封

十四年十一

月李自成殺

楊文岳遂拔

營走確山信

陽泌陽嚮襄

陽虜崇王由

橫

國朝

河南布政司

南陽府

泌陽縣

舊志兵燹附記

舊志修於康熙年間是時史局未開所記與明史小異然較爲詳密

又守土殉難諸臣皆見於此故備錄之於後

崇正七年壬申土寇白石聚眾於邑東北舞葉之間
焚掠至泌境本縣春水店鄉勇擒殺之八年癸酉流
寇起山西竄入河南是歲十二月二十六日闖賊李
自成突至泌陽知縣李蕃長堅守攻城未下焚毀東
西兩關大掠而去自是賊勢益眾甲戌總兵左良玉
統兵勦賊於信陽平昌關殺賊數千戊寅春左兵與
賊大戰於泌城之南關家嶺斬級數千復至泌紀功

自巳卯徂庚辰老回回輩裡眼混十萬過天星八大
王等賊劫掠泌民日無寧刻所在土寇蜂起郭三海
嘯聚平頭朶焚殺爲虐縣東一帶勢如羹沸辛巳五
月初六日流賊張猷忠乘夜淫雨蜂擁突城城陷知
縣姚昌祚主簿熊天倫死之次日左兵至害甚於賊
是歲十二月二十一日李賊自汝寧寇泌陽越二日
城陷知縣王士昌主簿金國柱死之闔邑屠戮裹擄
殆盡癸未歲李賊安插僞官康昇爲縣令假以撫民
爲名寔引賊劫奪財物至夏月康昇以丁憂去補僞

官石維翰縣簿秦祖庚學諭蕭薦鼎魚肉士民慘暴
異常是歲九月巡南汝道韓焜密令土人潛領鄉兵
恢復泌城擒僞官石維翰等委林有纓署縣事修葺
城池招撫殘遺甲申春流賊過天星等入城殘黎復
懼慄禍更甚者西北土寇李好騷賊陷城縣署民房
悉爲灰燼自是人烟斷絕蓬蒿滿地次歲乙酉我
清鼎建蕩掃羣氛而哀鴻甫集矣

泌陽縣志卷一

疆域志

形勢

界限

街巷

村鎮

星野附

泌僅中縣而封壤所暨幾及二百里襟山帶水形勢巍然加以井落周迴櫛瓦櫺比入高陽之里瑞紀星辰經通德之鄉人懷模範盛矣哉形方之壯觀誦訓之美談也今謹考次其疆宇村鎮之遠近界限徑術之區分庶幾四封之內可以按籍而知至於星野之說州郡兼該非以例小邑也然俯察地理仰觀天文亦修志家所不廢因并附著其說

於後志疆域

形勢

銅山東峙泚水西流前控漢淮背距蘇馬控七路之
奔沸跨洪汝之上游洋洋乎郡東藩翰也

舊縣志

泌陽秦漢故邑也元魏而後置州置郡置總管置
都督府實重鎮焉

芝原文集

界限

縣城在南陽府正東二百里東北距開封府省城六
百三十里東北二千二百里達於京師東西廣

一百三十里南北棗一百六十里

東至小酒店九十里與汝寧府確山縣交界至確山
縣城一百六十里 舊志云東一百至確山縣溝
竹界

南至盤古山三十里與桐柏縣交界 舊志云南至
桐柏縣圍山店界三十里至桐柏縣城一百里

西至新莊舖三十里與唐縣交界 舊志云西至唐
縣澗嶺店界三十里又十里至唐泌接遞交界到
唐縣城一百里

北至象河關一百二十里與舞陽縣交界 舊志云

北至舞陽縣界鐵江河一百三十里至舞陽縣城

二百四十里 通志作二百八十里

東南至本縣堡子舖七十里與桐柏縣交界

西南至本縣程家店四十里與桐柏縣交界 舊志

云至程家店三十里

東北至沙河店一百二十里與汝寧府遂平縣交界

到遂平縣城一百八十里

西北至付金川九十里與裕州交界至裕州城一百

六十里

按縣境四至八到舊志與郡志通志遠近不一今據現在縣境全圖爲斷而附註異同處於下

街巷

東西大街

通東西門

南街

在縣前

小南後街

直至東城

斯文正路街

在儒學東通南城門

雲路街

在文廟前

東北後街

在縣門東

西北街

在縣門西

北後大街

在縣署後

東關大街

自東門至東郊

高家巷

東關路南

段家巷

東關路南

南關上巷

西關大街

自西門至西郊

路北新街

路北舊街

路北黃家巷

路南南巷

水巷

村鎮

方輿紀要云泌陽舊編戶四十里舊志云洪武初設

五保宣德間添設六保正統間添設六保成化間

添設十二保正德間添設七保共三十六保

詳賦役志

經明季兵燹

國朝順治二年並爲十保康熙十

二年裁去琢城富庶二保據現今冊籍凡八保三

十九集鎮六十九地方共計村庄一千六百有奇

昆陽保

附郭共二百一十六村庄

饒良保

城西七十里共一百二十七村庄

象河保

城北一百二十里共二百零一村庄

高邑保

城東三十里共二百七十二村庄

百秩保

城東北一百二十里共二百八十四村庄

牛蹄保

城東北九十里共二百八十七村庄

官庄保

城北四十里共二百三十六村庄

羊册保

城西北七十里共一百三十二村庄

昆陽保地方所管村鎮

城內南街舖

城內北街舖

東關舖

西關舖

泉水廟鋪 城東南十五里

大磨街鋪 城南二十五里

董冲鋪 城南二十里

高店鋪 城西南三十里

周崗鋪 城西南十里

靈稷鋪 城西十五里

王屯鋪 城西南一百二十里

程店街 城西南三十里

二郎廟街 城南十八里

古路溝 城東一里

漫流鋪 城東南三里

饒良保地方所管村鎮

饒良街鋪 城西北七十里

潭北鋪 城西北八十里

樊營鋪 城西北

豆觀鋪 城西北

朱集舖 城西北六十里

郭集舖 城西北九十里

石河鎮 城西北四十里

郭堂街 城西北七十里

官庄保地方所管村鎮

官庄東街舖 城西北四十里

官庄西街舖 城西北四十里

紅河舖 城西北五十里

秦冲舖 城西北六十里

玉皇廟舖 城西北五十里

龍泉舖 城西北二十里

孟林舖 城西北三十里

官地舖 城西北五十里

黃陂橋舖 城西北六十里

雙廟街舖 城西北二十五里

林里舖 城西北三十里

五里屯舖 城西北五十里

羊册保地方所管村鎮

羊册東街舖

城西北
七十里

羊册西街舖

城西北
七十里

羊册南街舖

城西北
七十里

羊册北街舖

城西北
七十里

李仙橋舖

城西北
九十里

西賈樓舖

城西北
七十里

羊册湖舖

城西北
八十里

象河保地方所管村鎮

象河關舖

城北一百
二十里

柏樹楊舖

城北九
十里

古城舖

城北八
十里

春水街舖

城東北
九十里

二十里舖

城東北

張橋舖

城東北
三十里

竹林街舖

城東北二十里

楊集街舖

城北三十里

三官廟舖

城東北十里

張碑寺舖

城東北三十里

東賈樓舖

城東北六十里

桃花店街

城北九十里

龍王廟街

城東北七十里

百秩保地方所管村鎮

虎狼舖

城東北一百二十里

沙河店西街舖

城東北一百二十里

沙河店南街舖

城東北一百二十里

沙河店北街舖

城東北一百二十里

老君廟舖

城東北一百二十里

百秩店街

城東北一百里

牛蹄保地方所管村鎮

牛蹄街鋪

城東北九十里

紅河鋪

城東北八十里

陡嘴鋪

城東北一百一十里

下碑寺鋪

城東北一百一十里

樊窪鋪

城東北一百一十里

板橋街

城東北一百三十里

高邑保地方所管村鎮

高邑街鋪

城東三十里

王店街鋪

城東北四十里

石碑鋪

城東北四十里

羊進冲鋪

城東七十里

冷水鋪

城東九十里

陳窪鋪

城東南二十五里

大路庄鋪

城東六十里

鄧庄鋪

城東七十里

焦崗鋪

城東南

壑子街鋪

城東南

倒座廟舖

城東南六十里

馬谷田舖

城東南四十里

酒店街

城東九十里

星野

附

史託天官書云柳七星張三河

前漢書地理志云周地柳七星張之分野也今之河

南雒陽穀城平陰偃師鞏緱氏是其分也 又云

韓地角亢氐之分野也韓分晉得南陽郡及潁州

之父城定陵襄城潁陽長社陽翟邠東接汝南西

接宏農得新安宜陽皆韓分也及詩風陳鄭之國

與韓同星分焉

後漢郡國志云自柳七度至張十七度曰鶉火之次
於辰在午謂之敦牂一名大律於律爲林鐘斗建
在未今周分野

晉書州郡躔次京房張衡譙周並云柳七星躔周三
輔又曰南陽入翼六度

新唐書天文志云柳七星張鶉火也初柳七度餘四
百六十四杪七少中七星七度終張十四度北自
梁澤梁陽並京索暨山南得新鄭密縣至外方東

隅斜至方城抵桐柏北自宛葉南暨漢南陽之地
又曰河南之分張值南陽

明史天文志云柳四度至張十五度鶉火之次也河
南之河南府陝州皆柳分南陽府鄧汝裕三州汝
寧府之信陽羅山二縣開封府之均許二州陝西
西安府之商縣華州之洛南縣湖廣布政司所屬
德安府之隨州襄陽府之均州廣化縣皆張分

按分野之說諸家不同惟前漢志以角亢氏爲南
陽分星其餘皆主張星其云張屬三河者卽今之

開封河南南陽三府暨汝陝二州之地乾隆四年
勅修明史告成始於天文分野考訂精詳自當奉爲定
論泌邑百里有奇不足當星之一度然密邇郡城
南陽爲張之分野泌斷爲張之分野無疑矣

汝陽縣志卷二

山川志 橋梁 陂隄水利附

周禮職方氏辨九州之國使同貫利舉凡山鎮川
浸別部居方爲後世地志權輿蓋以名山大川靈
秀所鍾物產所殖非僅以供登臨資驗嘯已也滌
邑岡陵起伏無平原沃衍之饒然大胡天封賦於
南都馬仁水門詳於酈註與夫覆甌中陽之鼎峙
蔡藻濼瀨之交流民生其間燥濕異齊宣洩有宜
道達溝瀆營葺杠梁皆職方氏所謂同貫利也昔

召信臣築埧蓄水溉田萬頃今故址猶存而陂隄久廢附記水利以俟夫究心於史白之術者志山川境內諸山

大湖山

湖一作胡

縣東北七十里其山廣圓徑五六十

里沁水出焉

沁當作泚水經注作泚今縣名與水名俱誤

上平衍有泉

大旱不竭所謂天池也縣脉始於此嘗有雲物禱雨輒應上有古風洞

按大湖山在縣東七十餘里今名爲大城頂山其北爲小城頂山明末爲土寇王鐵哈所據因名其

南有古風洞俗呼爲啞叭洞山半有泉爲泚水之源詳下泌水

青衣嶺 在縣東八十餘里大湖山之東其上平曠有池四時不竭多生萱草

姑舟山 在縣東七十里昔有老尼得道於此今石龕猶存

舊志

按青衣嶺上有尼菴故址舊志云姑舟山昔有老尼得道於此所謂姑舟山者今不知爲何山竊疑爲此山之訛

南京漾 在青衣嶺之東山上平行有田數十畝泉
流灌之

獅子口 縣東北一百一十里在南京漾東兩山中
斷爲南北往來之路石徑崎嶇乃確泌交界處口
北爲板橋集口南十五里爲酒店舖北里許爲枋
頭山

玉皇頂山 在青衣嶺之南羣山之中一峯子立上
有玉皇廟王家樓之水繞焉

蜀山 在大湖山之北去縣百一十里尖圓秀傑與

塔兒山相似舊志云截軍山又二十里爲蜀山者
誤

雞鳴山 縣東七十里大湖山之南每至五鼓山中
若有羣雞同鳴山下有二石洞今存其一

銀洞山 在雞鳴山之南山上有洞數十爲前明開
礦處

銅山 在縣東六十里巔頂危峯突出俯環衆山千
態萬狀雲雨每出其下霞彩時現因謂爲佛光山
產銅又近鄧庄訛爲鄧通鼓鑄處其山前後有虎

石羊石鯉魚石婆兒石鷹嘴石白臉石滴水崖奇

觀不能悉舉山中分水處東流爲淮西流爲泌同

源異漲

按淮水源出大復山此據舊志云源出銅山誤

西有白茅堵

按白茅堵

在北上有上元寺山西偏有中元寺山下爲滴水崖

崖前有下元寺今上元獨存中元下元其廢已久

上元寺下有一石洞嘉慶初年馬道人所鑿嘗修

鍊其中又有臥牛石在頭天門下石下有泉冬夏

不涸

仙人洞 在銅山之南仰天凹嶺上中有石佛存焉

嶺北有培光寺今廢

齊頭崖 在銅山南崖東有老夫石高六七丈望之如老夫孤立

孫子石 在銅山之西數層積壘下豐上銳如人堆塚者然

小銅山 在銅山之東又東爲雙石腦

蠟燭山 在縣東七十里在銅山東北上有二石並立其形如燭今呼爲槩石岡按舊志云又東爲小銅山在銅山之東產黃精蒼朮又東爲四封山

角子山 在縣東北牛蹄鎮之北

天橋嶺山 縣東六十里峯巒奇秀仰觀大橋人不能到亦異境也

按天橋嶺有二一在截軍山南岡嶺重沓如橋梁然一在銅山之南婆兒石西大石橫空如橋衡然卽舊志所載者

錫石山 縣東四十里銅山西南有石如錫形錫內有石如杓臺上有石如箸莫攷其由又數里爲杏

兒山

灰包石山 在銅山西有石高丈餘上大下小鼎足而立望之形如馬勃

白茅堵 在縣東北七十里山勢雄偉俯環羣山天陰雨必與雲霧山後有龍潭相傳山上有白茅大仙每逢歲旱鄉人無論遠近皆往祈雨有求輒應屢著靈異又名白雲山

黑山

一作黑石山

在白茅堵東南滿山石皆黑色

台山 在黑山之南從西望之如臺榭凌空壁立數仞其上平濶中間微凹

塔兒山 縣東北五十里黑石山東南羣山之中此
峯獨立上有三聖祠及浮圖因名焉

棋盤山 縣東北八十里與截軍山並峙上有棋盤
云仙人遺跡

〔附〕棋盤嶺 在白茅堵東上有大石棋盤云仙人遺
跡下有萬峯寺寺前銀杏二株大數十圍蔭蔽數
畝有竹林數十畝大皆拱把嘉慶初年爲寺僧所
毀

截軍山 縣東七十五里高險如城相傳光武爲王

莽兵所追至此恃險而脫上有朝陽觀每年三月三日遊人多集於此修禊事焉前明廟前爲南汝通衢西三十里曹官驛東三十里竹溝驛崎嶇險隘今驛站雖廢亦險要地也

下馬山 縣東七十餘里截軍山之東南又南爲分水嶺乃桐泌之交界處

嘗聞堪輿家言形勢者泌陽山水爲中州南枝大幹其大勢自羊册北諸山至官庄北諸山南旋至二十里舖又折而東北由王家店北行起白茅堵

山勢雄偉雲霧出沒其表鎮東北方者此山爲巨
實在銅山之北而舊志謂在銅山之西殊不知銅
山尙爲白茅堵發來之枝脚也角子山在牛蹄之
北而舊志列於銅山之東相隔八十餘里截軍山
在雞鳴山之南而舊志列於大湖山之北且圖灑
水經於山前殊不知白茅堵東爲棋盤嶺又東爲
城頂山南爲雞鳴山又南爲截軍山又南爲分水
嶺係桐泌交界處又西南爲銅山南之分水嶺又
東南爲桐柏之高老山山勢起伏接聯東流入淮

西流入泌實爲分水大界安有瀨水由棋盤山截
軍山之南而東流哉

中陽山 縣東北五十里瀨水出焉水經曰上界山
郭璞曰箴山皆此也郭璞曰在故舞陰城北

雙山 縣東北五十里兩峯並峙

光石腦山 縣東北九十里一名覆甌山蓋山之童
者也元末避兵之處

老鴉山 縣東北三十里形如烏鴉

蘇家砦山 縣東北一百二十里上有三峯皆高險

可據元末有蘇姓兄弟各占其一

豹子牙山 縣東七十里堡子河所出

石碑山 縣東南三十里有石似碑其東爲鳳凰山

形如鳳翥

鳳凰山在馬谷田西南三里許

駱駝山 縣東四十里形肖駱駝下有龍泉居民禱

雨多應其不誠者雷或擊之山中多虎

萬子山 縣東四十里羣峯秀挺蘭蕙叢生又數里

爲牡丹山多牡丹

牛心石山 縣東六十里石高數十丈上平坦約容

百餘人可以避難

盤古山 縣南三十里蔡水出焉本名盤山後訛爲
盤古因立盤古廟於上

臥牛山 縣南二十里形如臥牛

石婆山 縣東南六十里酷肖石婆

祝家衡山 縣東南七十里羣峯拱峙翠秀插天峯
無巨細皆戴一石如帽而清流白石蒼松異鳥殆
非凡境

父子嶺 縣西北一百里道極險峻相傳有父子共

輓一車過此用力俱斃因名焉其北爲付金川

羅漢山 縣西北九十里山勢峭聳其顛四面鑿爲羅漢像上有羅漢洞山徑險仄攀蘿可上

扶予山 縣西北七十里濩水所出水經曰在濩陰城西北酈道元謂濩陰故城在山之陽

慈邱山 縣西北五十里濩水出焉亦名三山

華山 縣西北七十里後有馬仁陂上建華山聖母廟

吳公山 縣北六十里遙望形如蜈蚣上有青崖寺

玲瓏山 縣北九十里石澗空虛曲折相通又名玲瓏洞明末邑人避兵於此

舜子城山 縣北五十里山圍如城土人訛爲舜居石盤山 縣北象河所出

虎頭腦山 縣北五十里左右諸峯羅列雄峙此山特出爲縣之主山又有虎頭山在縣東北九十里達摩山 縣北七十里上有達摩寺

花風臺山上崖多花木蝎子山多蝎水磴山小谷山磨山此五山俱在縣北四十里

黃山 縣北四十里土色純黃

長岡 羊冊鎮西北馬仁陂水所經岡下斷岸巉然
又西爲古城卽水經注所謂長岡月城是也

楞頭山 在獅子口北里許


腳迹山 城東北一百二十五里

石老公山 縣西北一百里

擂鼓臺山 羊冊鎮北滌水所出

按泌境諸山去邑頗遠且乏遊觀之樂登覽者較
少故舊志所載方位遠近不無舛錯邑諸生焦其

東嘗撰山水紀畧地望明審足訂前此之訛又邑
諸生李沛家有祖遺山水圖說亦稱詳明茲於舊
志所未及者節取以資傳信焉



境內諸水

泚水

水經注作泚水

出泚陽東北大湖山

水經注作太湖山

按泚水源出羊進冲北山中其大源有三澗流之

細者不計焉羊進冲西北二十里大山爲白茅堵

白茅堵東爲棋盤嶺下有萬峯寺有水出焉萬峯

寺東爲柳樹溝有水出焉又東爲小城頂山大城

頂山以舊志度之所謂大湖山者當卽此山山西

半麓間有水大旱不竭西南流由陶庄井庄至羊

進冲北五里許與前二水合流經鄧庄舖西南至

大廟岡銅山南北之水皆入焉又西流經駱駝山
經高邑鎮至縣城南

泚水又經縣城南蔡水從南來注之

蔡水出南盤石山

卽今盤石山

故亦曰盤石川西北流

注於泚

泚水又西灤水注之

灤水北出茈邱山

茈邱同慈

東流屈而南轉又南入於

泚水

泚水又西南歷長岡月城北舊泚水又會馬仁陂水

舊泚水卽毘河在縣西北合馬仁陂水同入泚河
馬仁陂水出漁陰北山泉流競湊水積成湖蓋地
百頃謂之馬仁陂陂水歷其下西南竭之以漑田
疇公私引列水流遂斷故址尙存

泚水又南經會口與諸水枝津合又南與澧水會

澧水源出於桐相山與淮同源而別流西注故亦
謂水爲派水澧水又西北合澨水水出湖南北山
西流北屈逕平氏城西而北入澧水澧水又西注
泚水泚水自下亦通謂之派水

泚水又南趙醴二渠出焉又西南謝水注之

水出謝城詩所謂申伯番番既入於謝者也謝水東南經新都縣左注泚

泚水又西至新野入於清河達於漢

泌水卽泚水經流縣城南又西入唐河詩云泌之洋洋

洋可以樂饑卽此 順治十七年通志

按泚水今謂之泌水詩陳風衡門首章云衡門之下可以棲遲泌之洋洋可以樂饑說者謂泌卽泌陽之泌水而其實不然因爲之辨曰泌非水名陳

無所謂泌水也考之詩傳泌泉水也洋洋廣大也
疏曰擗風蒞彼泉水知泌爲泉水毛氏以爲雖淺
陋衡門之下猶可以棲遲遊息觀泉水涓流不已
乃至廣大傳疏之言如是則知泌非水之名陳地
無泌水或曰然則泌陽之泌非乎曰亦非也考之
於史泌於漢爲舞陰爲泚陽亦曰泚陽至唐始置
泌州而名實紊矣明邑人貴州副使焦希程通儒
也嘗作唐縣學記曰唐縣本申伯謝地後魏爲白
馬縣縣南有洩水桑鄜之後易名泌水唐因設泌

州天祐三年朱全忠徙泚陽之唐州於此明初罷
州置縣移泌之名於泚陽由是觀之非特陳無泌
水也若唐若泌舉無泌水也曰通志郡志以爲泌
水出銅山何也應曰此傳會之文也移泌於泚有
泚而實無泌也則不得不以泚之支流冒泌之履
名郡志徵諸邑志通志復徵諸郡志故相沿而不
改耳或又曰如是將不泌泚陽而仍泚泌陽可乎
曰不可始於唐因於宋其後相沿不改公羊傳曰
地物從中國邑人名從主人旣曰泌陽則亦泚陽

之而已若夫水經所述平章縣有泌水斯誠泌其名而泌其實者也然此海岱之封疆詎得加諸舞陰之故域哉

鄧庄河 源出銅山經鄧庄舖西流入於泌水

高邑河 在高邑鎮西流入泌

蔡水 再見 水經謂之泄水酈註謂當爲蔡水出盤山

西北流注於泌今人訛爲田市河

灤水 再見 源出虎頭山水經謂之澳水酈道元謂當

爲灤水源出慈邱山東流屈而南轉又南入於泌

水今詔爲涼河

毘河

再見

在縣西北合馬仁陂水同人泌水卽水經

所謂舊泌水也

灋水

出灋陰縣西北扶予山

舊志作扶子

東流過上蔡

人汝水

山海經曰朝歌之山灋水出焉東流於滎經書扶

予者其山之異名乎滎水上承赭水又東北於灋

陰縣北左會灋水之道稍西其故城在山之陽漢

光武建武中封岑彭爲侯國漢以爲陽山縣魏武

與張繡戰於宛馬名絕景爲流矢所中公傷右臂
引還漁陰卽是地也

瀕水 出中陽山東入遂平界又東過上蔡縣入汝
水

滌水 俗呼滌垢河出羊册北播鼓臺山西入昆河
春水河 源出光石腦山經春水鎮

象河 在縣東出玲瓏山

石河 在縣東

牡丹河 在縣西

後河 在縣西北

黨子河

在縣東經白石鎮

白石卽百秩

八疊河

在縣西北其水滌澗八疊

鹿角潭

在縣東南里許潭長三里水深數丈上有

風雲雷雨壇

七里潭

在白尖店汪洋清徹上下七里餘民賴其

利

沙河

源出老鴉山東北流至沙河店入汝寧境達

於淮

黑龍潭 在大湖山卽所謂天池也

乳兒港 在縣南里許每大雨則南岡諸水注此湍急入泌其聲如吼

龍泉 在慈邱山上其下藻水泉有一池常有二小蛇游泳冬夏不涸禱雨輒應人以爲龍

蒿陂泉 在慈邱山西南水亦不涸可禱雨土人建淮瀆行祠每歲三月八日祭賽

龍泉岡泉 縣西十八里有龍泉岡相傳以爲靈稷祖師修真之地岡旁有泉天將雨常有虹氣出乎

沙陽縣志 卷二 十一
泉中每禱雨輒應

冷水河 出截軍山東南由冷水舖東流會大李河
入確山

營盤河 源出銅山南之分水嶺西流經馬谷田入
泌河中有盤石大小十三孔莫考所由或傳光武
軍與甄阜梁邱賜戰於泚水西曾駐軍於此因名
黑石山水 白茅堵東南爲黑石山有水出焉其東
南流者至羊進冲入於泚河其西南流者由塔兒
山流爲柳河又南至高邑鎮北入泚河

白茅堵以西之水自王家店西北流經土門經竹林
屈轉東流經牛蹄鎮至沙河店東入於汝

城頂山南水 由王家樓東南流爲大李河東流入
確山東入於淮

堡子河 縣東七十里出豹子牙山入於泚

河圖總說云泌邑地勢多山境內有幹河二道一
名泌水河在縣東七十里發源本境銅山西流過
縣至新莊舖出境入唐縣歸唐河經新野縣襄陽
縣會白河歸入漢江長一百里寬八九丈及四五

丈不等深七八尺及四五尺不等兩岸並無堤埝
一名五里河今名沙河在縣東北三十里發源本
境老鴉山東北流至沙河店出境入遂平縣境經
汝寧府下歸入淮河長八十里寬五六丈深三四
尺不等兩岸並無堤埝又支河十道一名藻水河
係泌水河分支自慈邱山起經三十五里至五里
屯入泌水河一名昆河係泌水河分支自馬仁陟
起經八十里入唐縣境歸泌水河一名堡子河係
泌水河分支自豹子牙山起經七十里至城東三

里舖入泌水河一名營盤河係泌水河分支自石
婆山起經三十里至高邑街入泌水河一名泚水
河係泌水河分支自太湖山起經四十里至樵林
舖入泌水河一名蔡水河係唐縣江河分支自盤
古山起經三十里至唐縣境入江河一名灑水河
係沙河分支自中陽山起經三十里至賈家樓人
沙河一名灑水河係沙河分支自扶子山起經五
十里至竹林舖入沙河一名象河係沙河分支自
石盤山起經四十五里至孫家河入沙河一名春

水河係沙河分支自光石腦山起經四十里至程家寺入沙河各支河俱無堤埝縣境多山田間溝渠隨在皆有並無入河水渠以上各幹支河道俱資宣洩不資灌溉

滋邑自馬仁陂廢後向無水田自嘉慶元年漸有湖北貧民携家至泌爲人耨地傭作開墾荒岡以興水利幾於地無曠土收穫旣豐轉相倣效至今漕水灌溉者業有十之一二昔所謂石田今則半成沃壤矣鄭渠白渠之利此後殆未有艾也

橋梁

廣濟橋 縣北五里

官庄橋 有二俱在縣西北後河去城四十里

大石橋 縣東北二十里

羊册橋 縣北七十里

象河橋 縣北一百二十五里

通濟橋 縣西南五里

石埠口橋 縣西北三十里

雙廟橋 縣東北二十五里

竹林鎮橋 竹林北二里許舊有土橋三座監生聶景泰捐貲改建石橋邑人來鳳縣令王三錫作碑

記

諸馮溝橋 縣西二十里邑人平越府同知張積慶
勸修

琢城橋 縣東北九十里鄉民胡夏明募修

泌河渡 有二一在唐縣北一在泌陽縣西

積善橋 縣東六十里銅山溝里許嘉慶十一年鄉
人李法泗捐修

三善橋 在銅山溝東里許嘉慶十六年李文德馬
建全僧通祥三人勦修

鄧庄舖橋 縣東七十里鄧庄舖西嘉慶十六年重
修

陂隄水利附

馬仁陂 縣北七十里上有九十二岔水悉注陂中

周圍五十餘里四面山圍如壁惟西南隅頗下洩
水漢太守召信臣始築填蓄水復作水門以時啟
閉分流碌碡等二十四堰灌溉民田萬餘頃又縣
有三大陂皆漢唐遺跡也宋嘉祐二年太守趙尙
寬按視圖記一一修復之皆溉田萬餘頃又教民
自爲支渠轉入浸灌四方之田爲利甚溥元大德
六年邑令程仲賢重修今廢陂水南流爲昆河又

南入於泌河

石堰陂

柴胡陂

俱在縣東
北象河保

古陂

縣東北白失
保吳氏塚

長洋陂

縣西南
昆陽保

碌礮堰

縣北象河
保仙人渠

粉徐堰

縣北昆陽
保坡山店

第三堰

縣北象河
保三里寺

第四堰

縣北象河
保西古城

第五堰

縣北饒良
前保古城

第六堰

縣北饒良前
保靈稷廟

第七堰

第八堰

俱縣西饒良
前保張化林

第九堰

縣西饒良前
保小拜里

饒良堰

縣西

官堰

泥溝堰

觀音堰

俱縣東高邑保

黑龍堰

縣東麗陽保田市河

龍王堰

胡伯川堰

俱在縣東

黃陂

在縣西

東西渠

在縣北象河保羊棚

按馬仁陂卽縣北之羊册湖昔之涓涓澄碧挹彼


注茲者今則一望平疇皆成沃壤麥苗被野不特

召公故蹟杳焉無存卽宋元支渠亦胥歸焉有現

在惟每年徵湖地租若干銀移解河北鎮有案可

稽而已滄海桑田良非虛語茲依舊志仍存錄其

名亦告朔餼羊之意云



泌陽縣志卷二

古蹟志

塋墓

寺觀附

蓋聞登峴山者緬懷叔子遊梁苑者佇想枚生尋
錦水之海棠披蘭亭之修竹莫不有撫今追昔之
感古蹟最多豈無傳會地以人重人傑者地自靈
焉陵墓無遷徙寺觀有廢興而其傳與否亦係乎
人懷古者所爲慨然而增嘆也志古蹟

東荊州城 在縣東酈道元水經注云余以延昌四
年蒙除東荊州刺史州泚陽縣故城

古藍鄉 見漢書地理志又一統志云古藍鄉在泌陽縣漢光武兄劉縯敗王莽前隊大夫甄阜屬正梁邱賜盡獲其輜重卽於此

慈邱城

本後魏江夏縣地隋置慈邱縣

見通志

獬亭

許氏說文南陽舞陰亭

古洞

在城垣南有二竇一在東南竇向外一在西

竇向內四時有聲如吼秋風上有月牙臺今廢

宜秋聚

後漢書齊武王縯傳會下江兵五千餘人

至宜秋注宜秋聚名在泚陽縣

無郵亭 張天覺三墳序云元豐七年余奉使西京
巡按屬邑歷唐州之泌陽道無郵亭因寓食於民
舍有題於戶三墳書某人借去亟呼主人而問之
曰古之三墳也

舜子城 在邑北山圍如城土人訛爲舜城

關索城 縣東北九十里相傳關索所築

吳軍城 縣東一百二十里吳元濟屯兵處此地有
危石蹊徑雲樹參差綠野平疇望之如繡

古唐州城 縣城後正北一里土堆猶存

附八景

銅山積翠

泌水流香

仙陂春雨

古洞秋風

舜城雪月

吳砦烟霞

盤嵐朝起

竹林晚照

按舊志有八景之目求其遺迹大半有名無實茲將
實有可觀者另添四景

東閣仙踪

北城高會

魁樓夜燈

關廟秋市

寺廟

三皇廟

在城西
南隅

真武廟

在北城上爲邑最高處殿閣壯麗參差雉堞
聞每年重九日有登高會遊人雲集觴咏連

竹

圓通寺

在西門裏大街北爲朝賀
習禮之所明洪武三年修

火神廟

在南
門外

呂祖閣

在城東關南上
有呂仙詩碑

子房廟

一在牛蹄街縣東北
九十里一在官庄

上元寺

在鍾山頂縣
東六十里

中元寺

在銅山
東今廢

下元寺

在鳳凰
山今廢

龍王廟

在坡山店

淮瀆廟

在縣東北一百二十里沙河店

羅漢寺

在縣西北九十里羅漢山

梅林寺

在縣西北六十里古城舖本名圓通寺

華山廟

在縣西北七十里羊冊鎮

靈稷廟

在縣西二十里靈稷舖

盤古廟

在縣南三十里盤古山

泉水廟

在縣東十二里內有古柏凌霄可愛

東嶽廟

在城東關

水府寺

在西關祀蕭公今改爲山陝會館並祀關帝祠內寬馭兩廂均闢迴廊以爲買賣罷物開

棚之所每年九月有大會百貨陳商賈鱗集

龍巖寺

在縣西明永樂元年創建

青峯寺

在縣西蜈蚣山

印水寺

在縣南南山內

迎門宮

在縣東銅山北側又北爲紫霄宮其西爲白雲寺今廢

泰山廟

一在縣西黃陂橋南里許一在縣東羊進冲南里許

白衣堂

在縣東八十里關索城東里許

石佛寺

在關索城西南三里許

下碑寺

在百秩保街
北名崇興寺

中碑寺

上碑寺

上碑中碑下碑三寺
相距約二三十里

興龍寺

在縣東三十里
原名藏眉寺

瑩墓

吳王塚

在縣東北一百二十里左傳吳王弟夫概奔楚時稱夫概王楚封於棠谿故城今在遂平

縣西北與此地相近所謂吳王卽夫概也此條具載順治十七年通志雍正九年通志同

王保保墓

在縣北元將軍葬於此石碣見在

焦少師墓

在城北黃山奉勅修

陳大理墓

在城西十里

焦副使墓

在城北十五里

關副使墓

在城南

陳郎中墓

在城南

葛太守墓

在縣東